

OTUTUN SENI KEPINA NAMPAN. 20-25

TUMUNUN ME POCHOKUNEN OREGON: SOPWENO NE FORI MET ANGANGEN EPETI COVID-19, ME PWAN FORI MET MOKUTUKUT FAN ASENGESIN ACH SIPWE SUKI SEFANI ACH ANGANGEN MONI TONONG NON OREGON

Non February 28, 2020, uwa finata monun ewe mwichen chon angang ngeni ei coronavirus non Oregon.

Non February 29, 2020, ewe Putain Tumunun Nonomun Aramas ra wau tichikin kapasen ourour, ren an epwe koukuno chon chuno ren mei apwangapwang non ekkewe nenien tumunun mei apwangapwang, pachenong ekkewe nenien chinap.

Non March 2, 2020, ewe Pekin Tumunuw Watten Osukosuk mei Atapwanapwan non Oregon a poputani an angang.

Non March 8, 2020, Uwa wau ai otutun ren watten osukosuk atapwanapwan fan onnuk ORS 401.165 *et seq.* ren efeiengawen ewe sawmaau coronavirus (COVID-19) ngeni unusen aramas.

Non March 12, 2020, uwa oukano an epwe wor watten emwicheichen aramas ren 250 ika fen nap seni, uwa pwan esinesin non unusen ei sopw an epwene kesipeno ekkewe sukun non Oregon seni K-12, tori non March 31, 2020.

Non March 13, 2020, ewe President non Merika a esinesin pwe COVID-19 a ew watten osukosuk ngeni unusen muun merika.

Non March 16, 2020, ewe Putain Tumunun Nonomun Aramas a opochokuna an iwe angangen eukano chon chuno ngeni ekkewe nenien mei apwangapwang pwe pwan ekkewe ekkoch nenien tumunun mei watten apwangapwangen semwen. Ewe Pekin Tumunun Pochokunen Aramas non Oregon a pwan angei ekoach an mwokutukutun angangen eppet iwe samwaa seni ewe Pioing non Oregon me pwan ewe pekin tumunun nonomwun an aramas ekiek me pochokunen inisir, iwe a pwan eukuku chon repwe tonong non ewe Pioing non Oregon. Ewe Putain Kanopwus non Oregon a pwan eukano chon repwe chunong ren ekkewe chon kanopwus.

Non March 17, 2020, Uwa oukano emwicheich ren ukukun 25 aramas ika fen nap seni, pwan eukano an emon epwe no mingo non ekkewe nenien mingo ika kafie non unusen ei sopw, iwe uwa pwan sopweno an epwe kesip ekkewe sukun tori non April 28, 2020. Ngang mei pwan opochokuna ngeni meinisin angangen sopai rese

CHUUKESI

pwan pachenong non ewe angangen kesipeno pwe repwe fori ewe angangen atowawa nefinen emon me emon.

Non March 18, 2020, uwa eukano angangen osukun ika kae non imwen sukun ngeni ekkewe sukun tekia tori non April 28, 2020.

OTUTUN SENI KEPINA NAMPAN. 20-25 PAGE RUW

Non March 19, 2020, uwa otutuna pwe epwe kouno mwo angangen aninis ngeni mei semwen ese atapwanapwan, ren ach sipwe tumunuochu ach kewe pisekin chon angangen pioing (PPE) me pwan ach kewe bedin non pioing repwe nafoch ngeni ach angangen aninis ren ei COVID-19. Uwa pwan ouroura ewe Pekin Tumununuw Pochokunen Aramas non Oregon ar repwe awora kapasen ourour ren an epwe keukuno me repwe cheki chon chunong non ach iwe pioing me pwan ekkewe nenien me ekkewe nenien safei.

Non March 22, 2020, uwa wau ewe onnuk atapwanapwan non ekis mochomochon fansoun ren an ekkewe souimw resapw fori angangen atou ekkewe aramas ra kan nonomw non ar ekkewe imw ika esapw wor ar repwe mak ngenir taropwe ren faniten ar rese chiwen monatiw niwinin imwer kewe.

Non March 23, 2020, uwa otutuna ngeni chon non Oregon pwe repwe "Stay Home, Save Lives," non ukukun ar tongeni, pwan otutuna pwe epwe kesipeno ekkoch sitowa, pwan awora ewe angangen atowawa nefinom me emon non neni ese nifinifin, iwe pwan opochokuna metekewe mei auchea epwe wor ren ekkewe nenien nonomw nukun me nenien tumwunun semirit.

Non April 1, 2020, uwa pwan wau ai onnuk atapwanapwan non ekis mochomochon fansoun fan asengesin an esapw wor an ekkewe souimw repwe oukano ewe taropwen etipeew nefiner me ekkewe chon rentini ar kewe neni me ar resapw atorou me non ar kewe neni ren ar rese chiwen monatiw ar rent, pun epwe tongeni ponuta an aramas repwe nomwonong non imw non ukukun ar tongeni, me epwe pwan tufich an ekkewe sopai epwe sopweno ar angangen anisi aramas won met ar osupwang non ei fansoun watten osukosuk.

Non April 8, 2020, uwa esinesin pwe ewe kesipenon sukun me an esapw wor angangen kae ika osukun non nenien kaeo non ekkewe sukun tekia epwe sopwosopwono tori muchunon ei ierin sukun.

CHUUKESI

Non April 13, 2020, uwa esinesin pwe Oregon a pwan pachenong non ewe Western States Pact ren angangen tungorun aninis fiti pwan ekkewe ruw sopw ren Washington me California, ren ach sipwe sopweno ne anisi neniach kei ne fiu ngeni COVID-19 me ach sipwe tongeni suki sefani ngeni angangen moni tonong an epwe wor sefan. Colorado me Nevada ir mei pwan pachenong non ena Western States Pact.

Non April 15, 2020, uwa otutuna ekkoch anen ach sipwe tumunuw me epeti mwokutukutun non neniach iei ren mwich non nenien mwich me sopweno ach angang ngeni ach mwuun non ei fansoun osukosukuken COVID-19.

Non April 27, 2020, uwa wau ew ai otutun an a mwumuta angangen aninis ngeni sokkun semwen ese atapwanapwan, ika pwe ekkewe angang mei fiti an ewe Pekin Tumwunun Pochokunen Aramas non Oregon ourour ren fan iten an epwe naffoch neni me non ach iwe pioing me pwan ach kewe PPE

OTUTUN SENI KEPINA NAMPAN. 20-25 PAGE UNUNGAT

Ewe a kan wisen Tumwunuw Pekin Samwaaau Watte non unusen fonufan a kuna pwe COVID-19 ew watten samwaaau mei osukosuka unusen fonufan. COVID-19 mei tongeni epwe osukosuka me esemweni non ammat tori an epwe watteno ika fen pwan emon mei tongeni mano ren. COVID-19 e fetan seni emon ngeni pwan emon non ar mor, mwesi, ika fen pwan attapa emonewe, pachenong attapeta won metoch ika neni mei nomw ewe monun samwaaau won murin ka attapa awom, pwotum, ika mesom.

Chon angangen ach we putain pekin tumwunun samwaaau non ach ei mwuun ir mei ourourakich pwe ei monun samwaaau mei chok chou fetan non neniach kewe, iwe sipwe ekiiki pwe epwe chomongono chon repwe torir ei samwaaau ika pwe ach kewe onnuk ren ei samwaaau repwe komorono. Ikenai, a wor ukukun 3,416 mei nom rer ei samwaaau me pwan 134 mei mano me non Oregon, nge a nap seni ukukun 80,000 mei mano ren ei COVID-19 non unusen merika iei. Ren ach sipwe nenengeni watten efeiengawen COVID-19 mei chok sopwosopwono ika pwe sisapw sopweno me tumwunuw angangen eppet, me ika sisapw sopweno ne amonata ngeni, ren met sipwe fori nupwen sipwe oukatiw ach kewe onnuk mei wor ngeni ei fansoun.

Atowawa nefinom me emon, ewe otutunen "Stay Home, Save Lives" me pwan ekkoch mwokutukut mei affat me asan mei auchea sipwe fori ren an epwe anisi an epwe mangeno chounon ei COVID-19 non Oregon. Usun a fen tetenitiw non ei Otutun, pwe State epwe fori sokkun angangen met epwe anisi an epwe tongeni suk sefan nonomun aramas, moni tonong, me pwan ekkoch mwokutukut ngeni non

CHUUKESI

neniach Oregon. Ei angangen suk sefani epwe anonnopoku pwe angangen suki sefani mwokutukutun non neniach me angangen moni tonong me pwan ekkewe angangen anisi eppetin chounon COVID-19 epwe chok nonopok ngeni tumwunon nonomwun aramas ngeni ei fansoun. Met ei angangen suk sefan a aucheani epwe fori mei pachenong kekisinon mei semwen non pioing me mei mano, ekisano efeiengawan ngeni ekkewe ra mwenoni ewe angangen ei samwaa, ekisano watten osukosuken angang non acch we nenien tumwunon samwaa, anisingeni aramas ar repwe tufichin nisin sefan ngeni ar angang pun repwe tongeni sopweno ne tumwunuw pusin ir me ar kewe famini, tumwunuw ekkewe ir repwe mutir mefi osukosuken ei samwaa ren watten ar semwen, akkaewin ekkewe neni mi wor ekkewe mei sokono onuwen unucher, iwe pwan anisi ekkewe kukun nenien chufengenin aramas ir mei kan tumwunuw ar repwe ochufengenin neni me fori angangen tumwunon eoreni.

An epwe fetanoch ei kinikinin ren sukusefanin neniach iei epwe watten anongonong won an ekkewe nenien angang, chon angang, me meinisin aramas fiti ngeni an ewe putain tumwunon samwaa we angangen tumwunon ei samwaa, me fori ewe atowawa nefinom me emon. Ach sipwe anisi me epeti me tumunuw an esapw watten sefan me ekisano cheunon ei COVID-19 ina chok ew anen ach sipwe epeti an esapw osukosuka fetanin pekin angang me esapw osukosuka nonomwun aramas, iwe epwe pwan tongeni anisi feinon ach angangen moni tonong non Oregon me nonomwun aramas. Ewe watten angang weires aramasen Oregon ra fen fori fan iten an epwe ekisano cheunon ei samwaa mei ngeniei ai nukunuk pwe ach iei state a tongeni fetanoch an epwene feino won angangen suksefan.

REN EI WEWE, IEI UWA AFFATATIW PWAN OTUTUNA PWE:

Fan pungun onnuk ORS 433.441, ORS 401.168, ORS 401.175, me ORS 401.188, uwa otutuna ekkei mei tetenitiw fan:

OTUTUN SENI KEPINA NAMPAN. 20-25 PAGE RUWANU

Anapanap ren Suksefanin Oregon non Tumwun me Pochokun

1. Ei Otutun a eukatiw me ekisiwini ekkewe ekkoch Otutunen mwan, a foruta fiti met angangen nepwotutan mei achea epwe fis, me pwan angangen an epwe ne suk sefan unusen ei sopw ika neni.
 - a. Angangen Nepwoputan Mei Achea Epwe Fis. Ei Otutun Seni Kepina a forata met mei achea epwe fis me nepwoputan—ren met unusen ei sopw epwe fori ren angangen tumwunon ei samwaa—an aramasen Oregon me ekkewe sopai non Oregon repwe sopweno ne

fiti ngeni, pun sipwe tongeni tumwunuw neniach kewe me pwan fori ekkewe mwokutukutun suksefan ach sipwe tongeni feino mwach kan. Ekkei angangen nepwoputan mei auchea sipwe fori iwe epwe fis non unusen ei sopw, me nukun chok met akkaekis ekkesiwin anongonong won metewe kapasen ourouren ewe kinikinin fansoun suksefan, ika met mei ekkesiwin me fan nurun ei Otutun seni Kepina.

- b. Kinikinin Fansoun Suksefan. Ei Otutun seni Kepina a forata fitu kinikinin angangen an epwe suk sefan mwokutukutun non Oregon fan iten nonomwun aramas me pekin anen mwoni tonong, mei pachenong sokkun met ei state epwe fori an epwe nengeni fichi ika pwe epwe wor kekisinong ekkewe ennuke mei foruta ngeni ei fansoun ika epwe fen pwichipwichino, ren fan iten tumwunun manawen aramasen Oregon. Ena anapanap epwe mwokut non unungat kinikin—Ewin Kinikin, Oruwan Kinikin, me Eunungatin kinikin. Ekkewe kukun neni me non ei sopw repwe mumuta ngenir ar repwe mwokutukut anongonong won ekkena unungat kinikin non koukun an ew me ew fansoun.
- c. Tettenin kokkotun ei Otutun Seni Kepina. Tetten 2–12 me non ei Otutun ra affatatiw met mei ururoch epwe fis non unusen ei sopw, me mwen ekkewe kukkun neni ika unusen ei sopw epwe poputani angangen ewin kinikin, iwe pwan sopwosopwono tori inet epwe pwan ekkesiwin. Ekkoch ekkena metoch mei auchea epwe fis ina epwe wor ekkesiwinin me non ewin kinikin suksefan, usun met mei tetenitiw non tetten 13-22.

Met Angangen Nepwoputan Mei Auchea Sipwe Fori.

2. Nomwonong Non Imw, Tumwunuw Manaw. Ach sipwe sopweno me tumwunuw neniach kewe me pwan tufichin suki sefani anen moni tonong epwe anongonong won an aramasen Oregon sopweno ne fori ewe nomwonong non imw tumwunuw manaw, me pwan ar fiti ngeni ewe angangen atowawa nefinomw me emon me pwan ekkoch angangen eppetin ei samwaa. Mei auchea ngeni pochokunen, tumwunun, me nonomwun chon ei sopw Oregon non ei fansoun kich mei chok chiwen nomw non watten osukosuken ei samwaa pwe emon me emon repwe sopweno ne nomw non imwer ika resapw towaw seni imwer, fansoun meinisin non ukukun ar tongeni. Ren fan iten ena, fan nurun onnuke ORS 433.441(3), ORS 401.168(1), ORS 401.175(3),

OTUTUN SENI KEPINA NAMPAN. 20-25

PAGE NIMUW

me onnuk ORS 401.188(2) to (3), me pwan fiti ekkewe pakking mei affat non onnuk ORS 401.990, uwa otutuna ekkei mei tetenitiw me fan:

- a. Emon me emon repwe sopweno ne fori ewe ennukun esapw wor watten emwicheich, ussun met mei affat non tetten 3 me non ei Otutun.
 - b. Esapw wor emon epwe fori angangen kamo non ekkewe sopai ir mei chok sopwosopwono me kesip anongonong won met masowen tetten 5 me non ei Otutun, iwe esapw pwan wor emon epwe fori metekewe mei onnukutiw me non ekkei Otutun fiti kapasen ourour seni ach we Pekin Tumwunun Pochokunen Aramas non Oregon (OHA).
 - c. Nupwen emon epwe tou seni imwan ika nenian, repwe sopweno ne fori ewe angangen atowawa nefinomw esapw kukun seni onuw (6) fit seni pwan emon ion esapw ii chon non imwom, non ukukun omw tongeni, me pwan fittingeni met kapasen ourour mei auchea seni ewe (OHA) pachenong ewe angangen atowawa nefinomw me emon me pwan pwonu awom me pwotum. Kapasen ourour seni OHA ka tongeni kuna me won <https://govstatus.egov.com/OR-OHA-COVID-19>.
3. Emwicheich. Emwicheich mei awora watten an epwe muttir cheu fetan COVID-19, ina met epwe fori an epwe tongeni mecheres fetanin ewe samwaaui me pwan, akkaewin ika mei wor emon mei nomw ren ewe samwaaui mei nomw nein ekkewe aramas, ina met epwene muttir cheuno ren ewe samwaaui, iwe pwan weires ach sipwe tongeni kutta fetanin ren ion me ian e pwoputa me ian. Fiti pungun onnuk ORS 433.441(3)(a), (b), (d) me pwan (f), ORS 401.168(1), me pwan ORS 401.188(2), uwa otutuna ekkei mei tetenitiw fan:
- a. Emwicheich fan iten, Eoreni, Mwuun, Namanam. Meinisin emweicheichen eoreni, mwuun me namanam epwe nap seni 25 aramas ese mwumuta. Emweicheichen eoreni, mwuun, me namanam epwe 25 aramas ika kisiseni mei mumuta ika pwe repwe fori ewe angangen towawfesenin nefinen aramas esapw kukun seni onuw (6) fit ika pwe esapw ir chok chon non ew imw, me ika pwe pwan ir mei pwan fori ekkoch kapasen ourour ren towawen nefinen aramas seni ewe pekin OHA.

- b. Emwicheich ren Apwapwa me Urumwot. Emwicheich ren sokkun apwapwa me urumwot epwe fis non ew neni me nukun imwom we mei chok sopwosopwono an ese mwumuta, ese pwan nifinifin ika fitemon aramas, me nukun chok ika pwe repwe fori ewe angangen atowawa nefinen aramas esapw kukun seni onuw (6) fit nefinen iokkewe aramas esapw ir chon non chok ew imw, ren ena wewe emwicheichen apwapwa me urumwot a chok mumuta ren ukukun engon (10) aramas.

OTUTUN SENI KEPINA NAMPAN. 20-25
PAGE ONUW

- c. Teten 3 non ei Otutun a awenewen ngeni emwicheich chok, ese pwan pachenong ekkewe nenien angang, sitowan mongo, ekkewe watten sitowan pisek me mongo, ekkwe sitowa mei kan tam fansoun ar suuk, bank me nenien baro moni, imwen gas, hotel, nenien tumwunun chinap me mei apwangapwang, nenien ameme safei, nenien tumwunun semirit, imwen sukun, ekkewe nenien sukun tekia, ofesin mwuun, ekkei ir mei pachenong non ekkewe ekkoch otutun.
- d. Ewe Kepina mei totogeni ekkesiwini met masowen non teten 3 non ei Otutun, ika pwe mei ururoch ngeni. Sokkun met ekkesiwin epwe wor ka tongeni kuna me won <https://govstatus.egov.com/OR-OHA-COVID-19>.
4. Nenien Mongo me Un. Fiti onnuk ORS 433.441(3)(a), (b), (d) me pwan (f), ORS 401.168(1), me pwan ORS 401.188(1) ngeni (3), ekkei onnuk fan iten angangen mongo me un mei chok sopwosopwono tori fansoun epwe wor ekkesiwin me non Ewin Kinikinin suksefan (fiti teten 17(b) me non ei Otutun), ika fen pwan ekoch:
- a. Sakopaten nenien mongo ika kafie me sakopaten nenien kukunoun un sakaw me apwapwa, me pwan ekkoch nenien mongo me un mei nono ngeni ekkei ese fokkun mumuta ngenir ar repwe suk ngeni an aramas repwe tonong ra nonomw ne mongo me un non ekkewe neni.
- b. Ekkewe neni ra chok tongeni awora ekkewe minen mongo me un ngeni aramas ar repwe kamo resapw mongo non ar kewe neni (awewe chok ren, teikout ika repwe angei chok me won war toraku) ika ekkewe neni repwe pusin atourato ngeni imwer kewe. Ekkewe nenien mongo me un repwe awora towawen nefinen chon eto kut ener non ar kewe neni esapw kukun seni onuw (6) fit nupwen repwe

uta non nainen kamotiw ika utiwit, anongonong won met ourour seni ewe OHA. Ekkewe nenien mongo me un repwe pwan awora ewe atowawen nefinen emon me emon ngeni nour kewe chon angang esapw kukun seni onuw (6) fit ika pwe epwe tufich. Ren ekkewe neni ir mei amomo sakaw nge epwe tou nukun ar iwe neni mei och epwe fiti pungun onnuk ORS sopwun 471 me pwan met sokkun onnuk mei affat.

- c. Teten 4 me non ei Otutun ese pwan awenewen ngeni ekkewe nenien tumwunun mei apwangapwang, nenien tumwunun semirit, nenien angang, neni an mwuun, ekkewe nenien tumwunuw pekin osukosuk atapwanapwan, ekkewe pekin amongo an sukun, ekkewe nenien suungeni ika mongo mei kawor fan iten ekkewe mei kan osupwang. Ekkei neni mei opochokun ngenir pwe repwe fiti ewe angangen atowawa nefinen aramas, fansoun angang an chon angang esapw chok fan ew meinisin, teikout, me pwan ekoch mwokutukut repwe fori pwe esapw awateno feingawen chounon ei COVID-19.

OTUTUN SENI KEPINA NAMPAN. 20-25 PAGE FISUW

- d. Ewe Kepina mei tongeni fori angangen ekkesiwin ngeni masowen non teten 4 me non ei Otutun, ika pwe mei ururoch ngeni. Sokkun met ekkesiwin epwe wor ka tongeni kuna me won <https://govstatus.egov.com/OR-OHA-COVID-19>.
5. Kesipenon Ekoch Nenien Sopai. Fiti pungun onnuk ORS 433.441(3)(a), (b) me pwan (f), ORS 401.168(1), me pwan ORS 401.188(1) ngeni (3), ekkei mwokutukut mei auchea sipwe fori ngeni pekin angangen sopai epwe chok sopwosopwono tori inet epwe wor ekkesiwinin me non ewe Ewin Kinikinin Suksefan (fiti ngeni non teten 17(b) me non ei Otutun), ika fen pwan ekkoch:
 - a. Fansoun an epwe suk sefan ekkei tetenin pekin sopai, ekkewe mei weires an esapw tongeni wor kanegengenin nefinen aramas non, repwe chok sopwosopwono me kesip:

Nenien kukunou; nenien menuun fan saat; ekkewe nenien urumwot won mwesin ; imwen fich me fori mokur; nenien bowling; sitowan sakopaten makeup; nenien pworuk; nenien sukunen kaeo angengen makeup; nenien mwichen sakopaten aramas; ekkewe nenien taiso (pachenong ekkewe nenien tota won neni mei tekia); nenien kunouw ne un supwa seni non

paip, ekkewe watten sitowa ika mall (awewe chok ren ekkewe mei pachenong sokkun sitowa ika nenien mongo non chok ew neni); nenien parry(meï pachenong nenien kukunouw ne mwet me nenien kukunouw ne pek won niosun minen pek); nenien nimenimen won mas, nenien sakopaten nimenimen seni won maas tori unusen inis, nenien rowa, nenien nimenimen uukkuch, nenien skate, nenien chufengen ika kukunouw an ekkewe mei mwukeno, nenien tatto/ pwangapwang sening me ekkoch, nenien tennis, nenien yoga, nenien chufengen an serafo.

- b. Fiti an a katou seni Kepina, ewe OHA epwe awora ekkesiwin ngeni ekkewe neni ika sopai mei kesipeno ekkewe ra tetenitiw me non teten 5(a) me non ei Otutun, ika pwe mei ururoch ngeni. Sakopaten angangen ekkesiwin ngeni kesipenon ekkei pekin sopai ka tongeni kuna me won <https://govstatus.egov.com/OR-OHA-COVID-19>.
- c. Teten 5(a) me non ei Otutun ese pwan pachenong ekkewe nenien mongo, ekkewe imwen kunouw ne un sakaw ekkewe kafie me pwan ekkoch neni ir mei for mongo me un ekkewe ir mei chok nomw non teten 4 me non ei Otutun.

OTUTUN SENI KEPINA NAMPAN. 20-25 PAGE WANUW

- d. Ekkewe watten nenien kamo ika mall, me pwan ekkoch pekin sopai mei pachenong non teten 5(a) me non ei Otutun, rese onnuk ngenir ar repwe suk ren amomo mongo, me sokkun pisekin sitowa, minen safei, me pwan tumwunun nouch kewe maan.
- e. Ekkewe nenien kukunou ren ski rese chiwen onnuk ngenir ar repwe suk, poputa seni iei, ekkewe nenien sakopaten chungu sikan eto katon, nenien amomo sakopaten uuf me pesikin ofouten inis, nenien amomo masowen non imw, nenien amomo sakoptaren eningen won inis ra tongeni repwene suk sefan, poputa seni non May 15, 2020, ina mo ika ir mei pachenong nein ekkewe neni ir mei tetenitiw pwe resapw suuk me non teten 2 me non ei Otutun. Met nenien sopai mei pachenong non ei teten repwe fiti ngeni met mei affat me non ei Otutun me pwan ourour seni OHA, mei pachenong nge ese pwan kisiseni ekkewe sitowan pisek me mongo.

6. Sitowan Pisek me Mongo. Fiti pungun onnuk ORS 433.441(3)(a), (b), (d), me pwan (f), ORS 401.168(1), me pwan ORS 401.188(1) ngeni (3), uwa otutuna ekkei mei tetenitiw me fan:
- a. Sokun sitowan pisek me mongo mei pachenong non teten 5(a) me non ei Otutun ra tongeni repwene suk sefan ika pwe repwe fiti ngeni met ourour seni OHA, mei pachenong nge ese pwan kisiseni met ourour fan iten sitowa, pwoputa seni May 15, 2020. Fiti an a katou seni Kepina, OHA mei tongeni epwe ekkesiwini met masowen ekkewe kapasen ourour ren inet me inet fansoun epwe ururoch ngeni.
 - b. Ika meni sitowa ese fiti ngeni met masowen non teten 6(a) me non ei Otutun iwe epwe kesip tori inet fansoun ra fiti ngeni ururun met repwe fori.
 - c. Teten 6 me non ei Otutun mei pwan pachenong ekkewe sitowan amomo mongo me safei, poputa seni May 22, 2020. Ese pwan pachenong ekkewe nenien eto safei, ekkewe kich mei opochokuna pwe repwe fiti ngeni ururn angangen ewe atowawa nefinen emon me emon.
7. Ennuk Fan Iten Nenien Angang. Fiti punung onnuk ORS 433.441(3)(a), (b), (d) me pwan (f), ORS 401.168(1), me pwan ORS 401.188(1) ngeni (3), uwa otutuna ekkei onnuk ngeni nenien angang pwe repwe sopwosopwono:
- a. Meinsin nenien angang ika ofesin non Oregon repwe sopweno ewe angangen angang chok seni non imw nounou chok fon ika internet me pwan angang chok seni neimw ngeni nour chon angang meinsin, ngeni ukukun met epwe tufich. Fori angang me non ofesin angang ese mumuta ika pwe mei tufich pwe emon chon angang epwe tongeni fori an angang seni non imw won fon ika internet me pwan fori chok an angang me non imw, ren met mei tufich ngeni ewe angang, met mei tufich won fon ika internet, ika pwe mei ururoch ngeni ewe angangduties, availability of teleworking equipment, and network adequacy.

**OTUTUN SENI KEPINA NAMPAN. 20-25
PAGE TIUW**

- b. Ika pwe ese tufich an emon chon angang epwe fori an angang me non imw won fon ika internet me ika ese tongeni an epwe angang seni non imw, iwe ewe nenien angang epwe awora ngeni ewe chon angang met epwe fori nupwen epwe angang nge epwe fiti ngeni ewe angangen atowawa nefinom me emon fiti me fiti ngeni met kapasen ourour seni ewe OHA. Ekkei onnuk repwe pwan pachenong ika epwe ifan an ekkewe nenien angang repwe fiti ngeni ewe angangen atowawa nefinen aramas ngeni pwan ion aramas mei chuto non ewe nenien angang.
 - c. Ekkewe nenien angang repwe fiti ngeni met kapasen ourour seni ewe OHA, pachenong nge esapw kisiseni kapasen ourour fan iten ekkewe chon nemeni ewe nenien angang. Fiti an a katou seni Kepina, OHA mei tongeni epwe awora ekkesiwin ika affataochu met masowen ekewe kapasen ourour, ren met mei ururoch ngeni.
 - d. Ekkewe nenien angang rese fiti ngeni met masowen non teten 7 me non ei Otutun iwe repwe kesip tori inet fansoun ra fiti ngeni met repwe fori.
8. Nenien Angang an Mwuun. Fiti pungun onnuk ORS 433.441(3)(a), (b), (d) me pwan (f), ORS 401.168(1), me pwan ORS 401.188(1) ngeni (3), uwa otutuna pwe ekkei onnukun non nenien angang ren ofesin muun repwe chok sopwosopwono:
- a. Meinisin ofesin non ach muun, non ukukun ar tongeni repwe chok sopwosopwono ne kesip ren angangen aninis ngeni aramas ese nifinifin non ukukun ar tongeni, ra chok tongeni awora aninis ngeni aramas won fon ika online nupwen chok fansoun kunokun angang. Ngeni ukukun an epwe tufich ena kesipeno esapw tufichin pwonueta, nupwen fansoun chon angang repwe angang fengen me pwan chon repwe chuto repwe chuto nupwen chok fansoun inet mei affat pwe ar ranin chuto, ika pwe inet epwe tongeni tufich. Nupwen mei menei pwe epwe wor aninis ngeni ion ese nifinin epwe chuto non foufoun inis, iwe ewe angangen atowawen nefinen emon me emon epwe fokkun opochokun ngeni ukukun an epwe tufich ngeni.
 - b. Ekkewe ofesin non ach mwuun repwe fori angang won fon ika internet ika fen seni nomw imw, ika pwe mei tufich ngeni ukukun ar tongeni. Ika pwe ese tufich ar repwe angang me non imw, iwe ekkewe nenien angang repwe finata ion chon angang ika chon ewe nenien angang epwe anganga ewe angangen atowawa nefinen emon me emon fiti ngeni met masowen an OHA kapasen ourour.

OTUTUN SENI KEPINA NAMPAN. 20-25
PAGE ENGON

- c. Ewe Kepina mei tongeni an epwe ekkesiwini met masowen ei otutun non teten 8 ika pwe mei ururoch ngeni. Ka tongeni kuna kapasen esinesin ren met mei ekkesiwin me won <https://govstatus.egov.com/OR-OHA-COVID-19>.
 - d. Teten 8 me non ei Otutun a awenewen ngeni ofes me nenien angang mei nomw fan nemenien ewe kinikin a kan wisen atourau pekin onnuk. Ei Otutun ese pwan pachenong nenien angang ika ofes mei nomw fan nemenien ewe pekin fori onnuk me opochokuna onnuk, ofesinap non mwuun, ekkewe kukunun ofesin mwuun non kinikinin ei sopw, me pwan ekkewe ekkoch ofes, nge ekkewe chok ofes ir mei nomw fan nurun ei otutun ar repwe ennetin fiti ngeni met kapasen orour mei pachenong non ei otutun.
9. Angangen Kukunou Mei Menei Kopwe Nomw Nukun Imw me pwan Sai Fetan. Fiti pungun onnuk ORS 433.441(3), ORS 401.168(1) and (3), me pwan ORS 401.188(1) ngeni (3), uwa otutuna ekkei mettoch mei tetenitiw fan:
- a. Emon mei tongeni epwe tou nukun an epwe fori angangen kunou fetan nukun (an epwe fetan, fetanitam won chuuk, me pwan ekoch) nge epwe eukuku ngeni pusin ii chok esapw pwan wor epwe kane ngeni, epwe pwan fori pwe epwe atowawa inisin seni pwan emon me fiti ngeni kapasen ourour seni ewe OHA fan iten sokkun mwokutukutun kunou nukun. Ekkewe meinapen ekkewe nenien urumwot repwe pwan fiti ngeni met kapasen ourour seni ewe OHA. Fiti an a katou seni Kepina, OHA mei tongeni epwe ekkesiwini met masowen ekkewe kapasen ourour ren inet me inet fansoun epwe ururoch ngeni.
 - b. Emon epwe tongeni sopweno me eukuku an epwe no ekis ika ese kon auchea, ren an epwe fiti met kapasen ourour seni OHA. Nupwen fansoun epwe tufich, chon nonomw Oregon repwe eukuku angangen sai ika no ekis seni me ngeni imwer kewe, nenien angang, ar repwe no kut ener mongo, kut nenier, kamo met ar osupwang, nenien kaeo, nenien safei, ar repwe no ngeni ekkewe nenien aninis an mwuun fan iten; fan iten famini, ekkewe mei mwukeno, ekkewe kukun semirit, ekkewe mei ter ika nafangaw ar tufich me tongeni, ekkewe maan;

ren sokkun sai fan iten chon angangen mwuun, chon pekin opochokuna onnuk, me pwan ren pekin moni tonong, nonomun aramas, ika sokkun urumwot ekkewe mei mumuta ika pachenong non ei Otutun me nomw fan nurun ekkewe kapasen ourour seni OHA.

OTUTUN SENI KEPINA NAMPAN. 20-25 PAGE ENGON ME EW

- c. Ei Otutun a opungano met ekkewe ua wau me mwan, poputa seni non May 5, 2020, an a puputa ngeni ekkewe nenien kukunou ren camp ra tongeni repwene suk sefan ika pwe repwe fiti ngeni metekewe kapasen ourour seni OHA fan iten nenien kukunou me urumwot nukun.
 - d. Ewe Putain Tumunuw Ekkewe Nenien Kunou me Urumwot non Oregon ir mei chok sopwono ar repwe esipa ekkewe nenien kunou rese oponueta ewe angangen atowawa nefinen emon me emon.
 - e. Non ei fansoun, nenien tukken, nenien skate, nenien urumwot nukun, me ekkewe nenien urumwot nukun an semirit mei chok chiwen kesipeno. Fan an Kepina ourour, OHA me pwan ekkoch neni ra tongeni awora kapasen ourour fan iten ew me chomong ngeni ekkei neni ren ar repwe tongeni suk sefan. Ekkena kapasen ourour ra tongeni nomw won <https://govstatus.egov.com/OR-OHA-COVID-19>.
10. Ekkewe Sukun Tekia, Ach Kewe Sukun, Nenien Tumunun Semirit, An Serafo Sokkun Angang me Omwokut. Ewe Kepina a wau ngeni ekkewe ra tumunuw pekin kaeo non unusen ei sopw ar repwe angang fengen me ekkewe sukun me pwan iokewe chiechier chon aninis non pekin kaeo non unusen Oregon ar repwe okkota epwe ifan usun an epwe suk sefan ekkewe sukun, ren an chon sukun non Oregon repwe tongeni niwiniti ar kewe imwen sukun non pwoputan ierin sukun 2020-2021, ren met sokkun nikinik repwe fori. Ekkewe sukun tekia repwe tongeni sopwosopwono fan nurun ewe Otutun 20-09, pachenong met mei ekkesiwin me non ewe Otutun, me pwan met sokkun ourour seni ewe pekin a wisen Tumunuw Me Okkota Kokotun Ekkewe Sukun Tekia. Ekkewe nenien tumwunuw me osukuna ekkewe semirit, me pwan ekkoch aninis fan iten ekkewe nenien tumun semirit, repwe sopwosopwono fiti ewe Otutun 20-19, pachenong met mei ekkesiwin me non ewe Otutun, me pwan met sokkun ourour seni ewe Putain Pekin Kaeo, Ewe Ofesin Pekin Tumunun me Osukukunen Ekkewe

Kukun Semirit. Ekkewe sukun seni K-12 repwe sopwosopwono ne fiti ewe Otutun 20-20, pwan pachenong met mei sopwosopwono me ekkesiwin me non ewe Otutun, me sokkun kapasen ourour seni epwe Putain Pekin Kaeo. Ika pwe epwe tou seni Kepina, OHA me pwan ekkoch neni ra kan tumunuw pekin aninisin serafo repwe tongeni pwan fori ekkoch kapasen ourour, epwe pachenong nge esapw kisi seni mwokutukut epwe fis non imw, nukun imw, me pwan ekkewe nenien nonomw fansoun camp.

11. Kapasen Ourour. Fan ai ourour, me pwan pochokunen ei me pwan ekkewe ekkoch Otutun, OHA me pwan ekkewe ekkoch neni me tongeni fori me pwan nengeni sefani tichikin masowen ekkewe kapasen ourour ngeni aramas fan iten ekkewe nenien angang, me ew me ew ekkewe kinikinin non met mei anisi anen moni tonong ngeni neniach iei. An Oregon epwe sopweno ne mwokutuno mwan ren ach sipwe tongeni sukisefani epwe onongonong won an chon Oregon sopweno me fiti met mei ururoch repwe fori ren met kapasen ourour mei tou seni OHA me pwan ekkoch nenien angang. Oregon mei fori ekkoch angangen eppet i me tumunuw ei osukosuken COVID-19 anongonong won met kunaeien pekin science. Non ach sipwe sopweno ne kaeo ngeni angangen fiu ngeni ei coronavirus, chon Oregon repwe weweiti pwe ekkei ourour mei tongeni pwe epwe pwan ekkesiwin non fansoun me fansoun, ren an epwe anisi fetanochun ach angang ngeni ei osukosuken samwaa. Ren ena wewe, ika pwe mei katou seni Kepina, OHA ika pwan ekkoch nenien angang, mei ururoch ngenir, ra tongeni ekkesiwini ika awora met epwe pwan kapacheta non tichikin masowen non teten 2 ngeni 10 me non ei Otutun, ika pwe mei ururoch, me pwan kopwunguno meren ewe Kepina. Ren met mei ekkesiwin me kapasen ourour mei kapacheta ka tongeni kuna me won <https://govstatus.egov.com/OR-OHA-COVID-19>.

OTUTUN SENI KEPINA NAMPAN. 20-25 PAGE ENGON ME RUW

12. Otutun Nampan 20-07 me Otutun Nampan 20-12 ra komorono, me pwan ekkesiwin ngeni masowen no ei Otutun.

Sokkun Anapanap ren an Oregon Epwe Suksefan

13. Kinikinin Suksefanin. Ewe mwuun epwe fori kinikinin, masowen, me pwan sokkun met ekkesiwin me met epwe anisin fetanochun ekkewe omwokut ra fen affat me asan, ren an epwe tongeni tufich suk sefan nonomun aramas, fetanin moni tonong, me pwan ekkoch mwokutukut non Oregon. Ewe angangen suk sefan epwe mwokutuno non unungat kinikin—Ewin Kinikin, Oruwen Kinikin, me pwan Ounungatin Kinikin. Ekkewe kinikinin an epwe

suk sefan epwe anonopoku met mei auchea ngeni tumwunun manawen aramas me pwan met mei auchea epwe ekkesiwin me opochokunono ren fan iten nonomun me tufichin aramasen Oregon.

14. Met mei auchea epwe fis me mwen sipwe tonong non Ewin Kinikin. Ewe kapasen non Ewin Kinikin mei affat non teten 17 me non ei Otutun epwe tongeni poputa pochokunan non unusen Oregon ika pwe kich mei fiti ngeni metekewe mei auchea sipwe fori me mwen ena Ewin Kinikin suk sefan. Ekkena metoch mei auchea epwe sipwe fori me mwan ina epwe katou meren OHA nge epwe kopunguno meren ewe Kepina, mei pachenong nge esapw pwan kisi seni:
- a. Kekisinon Ukukun Chon Semwenin COVID-19;
 - b. Nafochun pisekin tesini ewe samwaau;
 - c. Nafochun anen kuta fetanin ewe samwaau;
 - d. Nafochun nenien emueno mei semwen/emueno chon repwe cheki ika mei wor rer menuun ew samwaau;
 - e. Katoun kapasen ourour ngeni unusen ei sopw ngeni ew me ew ekkewe kinikin me non ei Ewin Kinikin suk sefan;

**OTUTUN SENI KEPINA NAMPAN. 20-25
PAGE ENGON ME UNUNGAT**

- f. Nafochun nenien safei; me pwan
 - g. Nafochun pisekin chon aninisin mei semwen.
15. Angangen an unusen ei sopw repwe tonong non mwokutukutun Ewin Kinikin suk sefan process. OHA epwe esinesin ngeni ewe Kepina ika pwe unusen ei sopw a unuseno an fori ekkewe angangen amonata met epwe wor ewe mei affat me non tetten 14 me non ei Otutun, iwe murin ena epwe ne wor an Kepina epwe nenengeni ika sia tongeni sipwene poputani ewe Ewin Kinikin suk sefan, anongonong won met masowen an OHA kapasen ourour. Fansoun an Kepina a wau pungun, iwe met masowen non ei Otutun fan iten ewe Ewin Kinikin suksefan epwene poputa pochokunan me non unusen ei sopw.
16. Angangen an Ekkewe Kukun Sopw repwe mwokutunong non Ewin Kinikin suk sefan. Ika mwo pwe ewe Kepina ese mwo wau kapasen pwe

unusen ei sopw epwene poputani angangen me masowen non tetten 15 me non ei Otutun, ekkewe kukun sopw ra tongeni repwe angei mumutan seni Kepina ika pwe repwene tongeni poputani Ewin Kinikinin suk sefan ika pwe ra fori ekkewe angangen amonata epwe fis me mwen Ewin Kinikin, usun met mei affat me non teten 14 me on ei Otutun, me pwan met sokkun kapasen ourour mei katou seni OHA. Ewe Ofesin Kepina me OHA ra tongeni affatatiw metekewe mei auchea ekkewe kukun sopw repwe tongeni fori ar repwe mumuta ngenir ren met masowen non ei teten. Ika pwe ewe Kepina a mutata ewe tingor an ekkewe kukun sopw non foufoun mak, me esapw mutir seni May 15, 2020, iwe ewe kukun sopw a tongeni epwe ne fori met masowen non ewe Ewin Kinikinin suk sefan.

17. Kapasen Ourour ren Ewin Kinikinin suk sefan. Fan nurun ewe Ewin Kinikinin suk sefan, me ina mwo ika mei wor ekkoch met mei auchea epwe fis mei affat non teten 2-11 me non ei Otutun, ekkei mei tetenitiw me fan ra mumuta me non ekkewe kukunun sopw ian masowen ei ourour ren Ewin Kinikinin suk sefan a mumuta me ian, nge epwe chok tongeni fis ika pwe ewe kukun sopw mei fiti ngeni met masowen ika kapasen ourour seni OHA fan iten mwokutukutun non ei Ewin Kinikinin suk sefan:
- a. Chufengenin Emwicheich. Ren met mei mumuta me non teten 3 fan iten emwicheich emon mei tongeni epwe fori an angangen emwicheich ren ese pwan nifinifin pwopun esapw nap seni 25 aramas— pachenong emwicheich ren apwapwa ika urumwot ewe ese mumuta me non teten 3(b) me non ei Otutun—me nukun chok ika pwe repwe fiti ngeni met kapasen ourour mei tou seni OHA fan iten ewe atowawa feseni nefinen emon me emon. Sai ngeni neni me neni fan iten emwicheich non chok pusin ewe kukun sopw mei mumuta.
 - b. Ewe Kinikin ren Anen Moni Tonong. Ekkei kinikin ra tongeni repwe suk sefan ika sopweno ar angangen suk sefan, ika pwe repwe fori ar angang nge fiti ngeni met kapasen ourour mei tou seni OHA fan iten ewe Ewin Kinikinin suk sefan.

**OTUTUN SENI KEPINA NAMPAN. 20-25
PAGE ENGON ME RUANU**

- (1) Neniu forun mongo me minen un, mei pachenong nge ese pwan kisiseni ekkewe nenien mongo ika bar mei pwan awora nenien mongo non;

- (2) Ekkewe nenien sopain anisi aramas, ren nenien fich ika for mokur me ekkewe nenien taiso;
 - (3) Sokkun nenien sopai mei kesipeno fan nurun teten 5(a) me non ei Otutun, ika pwe mei pachenong non an OHA kapasen ourour me kopunguna meren ewe Kepina; me pwan
 - (4) Ekkoch kinikinin nenien angang ewe Kepina mei afatatiw pwe ra mumuta ngenir ar repwene suk sean ika sopwosopwono ar angangen ngeni non ei Ewin Kinikinin suk sefan.
18. Kasen Ourour. Fansoun an epwe kopunguno meren ewe Kepina, OHA (me pwan ekoch neni, nupwen a katou seni ewe Kepina) repwe tongeni fori kapasen ourour anongonong won ew me ew kinikinin fansoun suk sefan. Ekkena kapasen ourour repwe tongeni anisi me ekkesiwini met sokkun a fen fis pwe ina ururun sipwe fori; me met sokkun sipwe fori fan iten Ewin Kinikin, Oruwen Kinikin, ika Ounungatin Kinikin; me pwan awora ekkoch kapasen ourour epwe ururoch ngeni ew me ew ekkewe kinikinin nenien angang. Ekkena kapasen ourour ra tongeni repwe nomw won: <https://govstatus.egov.com/OR-OHA-COVID-19>.
19. Met epwe Fis Me Murin Ekkesiwini non ew me ew kinikinin suk sefan. Ach muun me ekkewe kukun sopw resapw tongeni repwe ekkesiwin seni Ewin Kinikinin suk sefan ngeni Oruwen Kinikinin suk sefan ika pwe ese kuuno ruwe me ew (21) ranin ar fori angangen non ewe ewin kinikin, pwe epwe awora ngeni ewe putain pekin tumwunun samwaa repwe katon ika mei ifan usun nonomwun ewe neni me mwen epwe wor ekkesiwin.
20. Met mei auchea epwe fis fansoun fori sefani ekkewe onnuk ese mumuta. An epwe suk sefan Oregon epwe tongeni wor met efeiengawen ei COVID-19 epwe tongeni fis minne mei menei ach sipwe awateno met onnuk epwe wor, ika mwo pwe ach mwuun me ekkewe kukunun sopw ra poputani angangen tonong non Ewin Kinikinin suk sefan me sopwosopwono ngeni pwan ew kinikin. Fiti an epwe kopunguno meren ewe Kepina, OHA epwe fori affata ekoch met ururun epwe fis ren an epwe opochokuna sefani met kewe onnuk epwe wor. Metekewe mei anongonong won pwe ururun epwe fis nge esapw pwan kisi seni:
- a. Ika pwe ese tufichin an epwe ponuweta met epwe fis ren kuta tichikin fetanin ewe samwaa me non neni me neni;

- b. Mei wor met mei pwarata pwe mei chok sopwosopwono ukukun chon urir ewe samwaa COVID-19; ika
- c. Mei wor met mei pwarata pwe mei napeno osukosuken efeiengawen ewe semwen COVID-19.

**OTUTUN SENI KEPINA NAMPAN. 20-25
PAGE ENGON ME NIMUW**

Ika pwe mei wor me nein ekkei mettoch mei fis, iwe OHA epwe akokou ew chufengen ngeni ekkewe chon angangen pekin tumunun samwaa, ren sopwosopwonon pworousan me nenengeni ika met epwe togeni fis. OHA epwe ouroura ngeni ewe Kepina, ewe mei wor ren pochokunen nemenemnen met sokkun mwokutukut epwe fis, me pwan pochokunen met sipwe tongeni fori non ese nifinifin fansoun.

- 21. Oruwen Kinikin me Ounungatin Kinikin. Nupwen epwe katou me kopungunga me ren ewe Kepina, OHA me pwan ekkoch nenien angang mei tongeni wau kapasen ourouren non fansoun Oruwen Kinikin me pwan Ounungatin Kinikinin suk sefan, mei pachenong nge ese pwan kisi seni met sokkun angangen amonata epwe wor, kapsen esinesin epwe katou, me angangen mwokut seni ew kinikin ngeni pwan ew, anongonong won ekkewe kinikinin fansoun suk sefan.
- 22. Ekkesiwin. Ika pwe epwe katou meren ewe Kepina, OHA me pwan ekkoch neni, mei ururoch ar repwe fori, repwe tongeni pwan ekkesiwini me pwan pacheta ekkoch tichikin met mei auchea epwe fis ren masowen non teten 13 ngeni 21 me non ei Otutu, me pwan met mei ururoch ngeni, fiti an epwe kopunguno meren ewe Kepina. Sokkun met angangen ekkesiwin me met mei kapacheta ngeni ekkewe kapasen ourour a tongeni tou ngeni meinisin won <https://govstatus.egov.com/OR-OHA-COVID-19>.

Onnuk Fan Iten Meinisin

- 23. Pochokunan Fan Pungun Onnuk. Ei Otutun a katou seni fan pochokun mei wor ren ewe Kepina fan pungun onnuk ORS 401.165 ngeni 401.236. Fan pungun onnuk ORS 401.192(1), meinisin masowen non ei Otutun epwe poputa pochokunan me tonong non onnuk, me pwan menni onnuk mei wor, ika sokkun otutun, repwe komorono pochokuner tori inet fansoun ese chiwen wor weweochun ngeni ei fansoun nupwen a poputa an Kepina pochokun non fansoun watten osukosuk mei atapwanapwan.

24. OPOCHOKUNAN. Kapasen non ei Otutun me pwan meni kapasen ourour seni ewe OHA me ekkoch pwan neni repwe poputa pochokuner non unusen ei sopw, chinon chok ian mei affatetiwi ngeni ian. Ei Otutun me pwan kapasen ourour seni OHA an epwe ponuweta ei Otutun repwe fis pwe onnukun ach we pekin tumwunun samwaaui, ussun met mei affat non onnuk ORS 431A.005, iwe epwe pwan opochokuneno fan mumutan non onnuk ORS 431A.010. Pwan sopwosopwun met paking epwe tongeni wor fan pungun onnuk, emon aramas, ika sopai, ika ew nenien angang epwe wor an atai ne ungeni masowen non ei Otutun ika met kapasen ourour seni OHA me pwan ekkoch nenien angang ren an epwe ponuweta masowen ei Otutun epwe angei chappen an tipis usun mei affat non onnuk ORS 401.990.

**OTUTUN SENI KEPINA NAMPAN. 20-25
PAGE ENGON ME ONUW**

25. Met Masowen Ei Otutun Ese Ururoch. Ika pwe mei wor met kinikinin, kinikisin, tetenin, fitu kapasen, ika ew fosun non ei Otutun, ese ururoch ika pung, esapw wor an epwe osukosuka manamanen met nusun masowen non ei Otutun.
26. Pungun Finata, Finata Met Epwe Fis. Met meinisin kokot mei katou seni ewe Kepina ren met masowen non ei Otutun meinisin ra pusin non an pungun finata. Ei Otutun ese foruta fan iten an epwe forata ekkoch pungun finata, me pwuung, ika epwe awora ngeni ekkoch ar tufich, ren met sokkun mwokututun angangen opochokunen onnuk me non Oregon, me pwan ekkoch neni ika ofes ika chon angang.
27. Pwoputa Pochokunan Non Ei Ran. Met onnukun non ei Otutun repwene pwoputa pochokuner, chinon chok ika mei affatetiwi inet fansoun, me pwan sopwosopwono pochokunan tori inet fansoun epwe katano meren ewe Kepina.

Foruta me non Salem, Oregon kunok 8:00 nesosor non ei 14^{un} ranin May, 2020.

Kate Brown
KEPINA

CHON ANNETATA:

Bev Clarno
MEINAPEN PUTAI

CHUUKESE